



07187

西泠仙詠卷二

潘閬巷詠潘逍遙

潘閬字逍遙江都人嘗居洛陽賣藥騎驢看  
山終日不返好事者繪爲圖宋初以能詩薦  
召爲四門博士坐盧多遜黨變姓名入中條  
山或云太谷人秦王府記室參軍秦王得罪  
髡髮爲僧而逃有逍遙集劉攽謂其詩不減  
劉長卿有登高峯塔詩贈林處士詩崇寧閒  
武夷黃靜得其詩曰謫仙人也刻之石居錢  
塘太學東巷名潘閬巷寄園寄所寄稱有人  
遇仙者卽閬也

西泠仙詠卷二

一

孤山詠林和靖

和靖名逋字君復隱居孤山種梅豢鶴自適  
二十年不入城市眞宗賜粟帛詔長吏歲時  
勞問旣沒仁宗賜諡和靖先生有詩集墓在  
孤山後爲楊堧眞伽所發棺中惟一玉簪蓋

仙人羽化之流身後若蟬蛻矣今祠墓爲林  
少穆許玉年諸人所修所居有放鶴亭巢居  
閣並補梅招鶴焉

碧蘿幽徑古祠開再拜咸平處士來梅鶴偶然爲眷  
屬湖山依舊起樓臺寒巖霜老棲紅葉春墅煙深罨  
綠苔身後惟餘玉簪在巢居高閣是蓬萊

萬松嶺詠徐冲晦

徐復字復之建州人學易絕意進取慶厯初  
召見賜號冲晦處士見宋史隱逸傳錢塘兩  
處士和靖居孤山冲晦居萬松嶺夾湖相望

西泠仙詠卷二

二

嘗謂孫初曰子孫世世不得離錢塘以永無  
兵燹也見北窗炙輠徽宗朝有徐奭亦賜號  
冲晦

萬松山翠接平岡高士當年有舊坊康節吟窩虛夜  
月君平卜肆冷斜陽隔湖鶴影投孤嶼繞屋鶯聲憶  
草堂聞道西泠兩冲晦隱居清節重錢塘

蘇公祠詠蘇東坡

東坡名軾字子瞻又字和仲蜀眉州人守杭  
日多惠政民苦斥鹵公浚茅山一河專受江  
湖浚鹽橋一河專受湖水復造堰牯以爲湖

水蓄洩之限且以餘力復完六井又取湖中  
葑田積爲長隄以通南北杭人名之曰蘇公  
隄家有畫像飲食必祝公前生爲五戒禪師  
方士謂公爲天上奎宿知夙根所在來去均  
不在人間也祠在孤山嘉慶中秦小峴觀察

建

葑影橫隄柳態柔西湖從此湛清流聽蟬寒碧尋前  
夢換馬春紅感舊愁白葛涼生枯衲社玉箏聲遠美  
人舟壽星巖畔神游處水枕風船一樣秋

後湖詠蘇養直

西泠仙詠卷二

三

養直名庠楚北人居後湖號後湖居士後湖  
左界白隄右接西村南挹巢居北繞葛隄以  
在孤山之後故曰後湖也嘗以屬玉雙飛水  
滿塘一詞見賞於東坡晚居廬山遇羅浮黃  
真人與丹服之髮再黑一目復瞭一日宴客  
云黃真人至遂立化

六橋煙雨靄平蕪更有詩翁說姓蘇  
穰田徵鶴稅鷓鴣小艇問漁租  
兩頭簫管開吟讌四面樓臺入  
畫圖我亦寶雲山下住西湖今是美人湖

月輪寺詠張君房

君房字允方安陸人景德中進士官度支員外祥符中自御史臺謫官海寧適真宗崇尙道教盡以祕閣道書付杭州俾戚綸陳堯臣校正綸等同王欽若薦君房主其事編次得四千五百六十五卷進之復攝其精要萬餘條爲雲笈七籤蓋道家之言以天寶君說洞真爲上乘靈寶君說洞元爲中乘神保君說洞神爲下乘又太元太平太清三部爲輔經又正一法文遍陳三乘別爲一部統稱三洞真文總爲七部故君房取以爲名也道藏精華大略具於是矣見四庫全書提要又著乘異記麗情集科名分定錄潮說脞說知杭州錢塘多刊作大字版印行於世仕至集賢校理年八十餘卒見默記月輪寺在月輪山卽六和塔院江月松風集云古錢塘令張君房曾宿月輪寺月中桂子下塔如牽牛子咀之

無味

蓬萊小謫近東溟岱嶽泥金正勒銘誰薦陽冰書碧落爭看逸少寫黃庭葛洪自著神仙傳尹喜親傳道德經欲起高樓貯雲笈麗情一集說媼姪

余欲於吳山道觀建

吳山詠徐爽

爽錢塘人隱居吳山以修真終老徽宗聞其名賜號冲晦先生

青帝長生泣玉除紫微宣賜到山居茅盈自有修真訣种放應無封禪書蘿影翠深寒殿靜松花香細石壇虛姓名莫使韓翃誤高士坊前識舊廬

錢塘詠沈子舟

子舟名若濟遠祖當吳越錢氏時爲謀主遂爲錢塘人十許歲出家爲道士道藏釋典無

西泠仙詠卷二

五

不該賅洽尤長於醫王漢之帥建康館之洞陽館俾鍊大藥徽宗再召賜號洞元大師紹興初服丹尸解

節度開門亦自雄軍諮曾有舊家風道通雲笈珠林外名在靈樞素問中汴水承恩青瑣闥攝山采藥紫芝翁金丹先證長生訣不待君王德壽宮

廣陵侯廟詠陸圭

圭官眞州兵馬都監攻方臘死難淳祐中潮圯江岸屢築不就神率三女揚旗空中浮石水面岸賴以成事聞建廟封廣陵侯三女皆

封夫人廟在江干石豕圭有宿韜光菴詩

仿佛旌旗颺上游當年壁壘古眞州丹心破敵同蕲國青骨成神類蔣侯兒女彩鸞隨舵尾英雄白馬避潮頭廣陵祠宇因遺愛七發何勞證不休

圭封廣陵侯以曾官

眞州故也竹垞引以證曲江爲錢塘者誤

### 宋故宮詠皇甫履道

履道名坦遇妙通眞人得丹祕紹興中治顯仁太后目疾又爲仙韶甄娘治躡布氣卽釋踊而行常相湖北帥李道女鳳娘爲天下母後孝宗聘爲恭王妃卽光宗后也將還廬山

### 西泠仙詠卷二

六

留一扇於禁中口有發寒熱者以此扇之未幾宮中多患瘧用之皆驗還山築室御書清虛菴額道流咸集苦水遠使人荷鋤鬪地應手泉湧德壽間之御書神泉二大字見神仙

### 通鑑廬山志

紫佩青囊出禁中更留羅扇顯靈蹤神方何似孫思邈仙術眞如杜子恭三殿月輪生欲滿六宮花影散來重相看拂袖還山去鸞鶴飛翔到處從

### 靈石寺詠顏寓李甲蕭耘

竹坡詩話云西湖諸寺惟南山靈石猶是舊

屋僧言頃時有數道人來丐食拒而不與乃  
題詩屋上而去字畫頗類李北海其詩云南  
陽數回泉石西峯幾疊煙雲登攜孰以爲侶  
顏寓李甲蕭耘李甲近世人東坡以爲似郭  
忠恕善畫而文餘當是神仙也范石湖集有  
詩紀此事自注云顏寓李甲蕭耘題詩寺門  
方運筆時伸臂長丈餘闍人驚報主僧回顧  
已失後好事者譯之首句呂字二句洞字三  
句賓字是洞賓與三人來耳按李甲近世人  
則顏寓蕭耘亦近世人所譯甚穿鑿未必洞  
賓與三人偕來也

西泠仙詠卷二

七

羣仙蹤迹等雲殞靈石題詩說洞賓野鶴飛來原有  
伴戲鴻書罷更無人姓名曾記東坡識筆墨爭傳北  
海神最是石湖老居士賦詩堪補諾皋新

鳳皇泉詠張紫薇

方家峪劉媿好寺鳳皇泉三字乃張于湖紫  
薇孝祥所書夏執中爲后兄以孝祥書未工  
自書三字易之孝宗幸寺中詔以斧劈爲薪  
止用孝祥書孝祥精於翰墨人稱紫府仙見  
四朝聞見錄太廟前楹產芝孝祥作原芝文

推衍符瑞之說見于湖居士集劉龍洲有上  
張紫薇眞仙詩云眞仙原是昔于湖今在高  
樓何處居霏玉不容陪偉論撥灰猶爲作行  
書雲霞縹緲來旌節瓊玖玲瓏聞珮琚幽顯  
殊途人世隔冷風吹雨送回車味其詩意大  
約是仙後降乩也

劉寺芙蓉向晚妍銀鈎新寫鳳皇泉鶯花尙弔紅霞  
帔翰墨原稱紫府仙白點曉霜楓葉溼翠生寒雨蘇  
花圓曲江居士題詩處應憶于湖內外篇

飛仙里詠李芟

西泠仙詠卷二

八

乾道中濟南李芟字廷國寓臨安嘗詣淨慈  
寺過長橋於竹徑迷路見青衣道士分與燒  
筍食之身遂輕舉不復飲食後游茅山尋又  
入蜀隱青城山仙去後人慕之名其里曰飛  
仙里見列仙傳又容齋隨筆神仙通鑑

南屏山畔竹林遙一杵鐘聲客過橋玉版禪師原有  
味青衣道士偶相招巖花露重紅欹笠礪樹雲深翠  
溼瓢句曲林巒大峩月仙蹤何處問歸樵

西林橋酒壚詠髻髻道人

齊東野語載端平閒周文璞趙師秀數詩人

春日游蕩湖山飲西林橋酒壚皆大醉熟睡  
忽有鬚髻道人過而睨之哂曰詩仙醉耶願  
酒家善看客我當償酒錢以瓢中藥投水巽  
之地上成銀道人忽失所在

鬚髻雙髻髮垂肩來與詩人送酒錢笑爾梨花連鬢  
飲任他芳草枕琴眠夕陽喚客鶯聲緩佳釀酣春蠅  
夢圓玉佩金貂等閒事岳陽三醉是神仙

棲霞嶺詠剪頭仙

紹興時大理寺卿周三畏不肯勘岳武穆獄  
挂冠去後有人遇剪頭仙人於延安葭州山

西冷仙詠卷二

九

中日惟飲水與人論宋事及咸陽寃死輒大  
哭忽不見空中墮紙曰周三畏拜謝蓋仙矣  
見樵書

短髮鬚髻被兩肩空山人識剪頭仙挂冠神武悲身  
世拂袖終南歷歲年鐵佛淒淒常沐雨金牌寂寂久  
沈煙倘因鶴駕棲霞過指點南枝一惘然

靈隱詠叢衣仙

秦檜遇行者於靈隱有家在東南第一山句  
合押衙何粟物色之粟至宮殿見僧坐決事  
曰地藏王決檜殺岳飛事數卒引檜至身荷

鐵枷謂栗曰傳語夫人東窗事發矣栗復命  
後遂出家蘇州元妙觀肉身存焉世所稱葢  
衣真人是也見江湖雜記

何處東南第一山此行眞見相公還紅塵莽莽空金  
穴黑獄漫漫待玉顏佛力自深華藏海人心休忘鬼  
門關葢衣久已登眞去何事皮囊尙世間

蘇州錢塘詠錢一

輻出白錢一爲皂隸因秦檜酷刑致人死後少悔以  
流血爲度一乃汗豬血於板如是九年一日

立班中見足離地而起檜呵其爲妖隸以前

西泠仙詠卷二

十

情白曰某今日應上昇遂乘雲而去見昨非

菴日纂

神仙自古無資格伍伯功成亦上昇孔目形骸留幻  
相押衙蹤迹證高僧簫鸞笙鶴邀同輩月地雲階到  
幾層放下屠刀便成佛前因不昧續禪燈

南園詠陸放翁

放翁名游字務觀山陰人官蜀晚歸鑑湖築  
快閣以居韓侂胄當國築南園於長橋乞記  
於楊誠齋誠齋拒之乃乞放翁作記記成侂  
胄開讜以謝出所愛妾四夫人號滿頭花者

奉觴侂胄敗論者多議放翁之失園亭記何足輕重文字罪人此宋儒苛論也進士鄭棫南自作南園記並礮石以獻韓以陸記爲重仆坐苔吹鄭石瘞之地韓敗鄭竟免見四朝聞見錄南園本孝宗御前別園光宗時慈福太后以賜大校藝侂胄有許閒堂西湖洞天歸耕之莊晚節香亭諸勝後仍歸御前改名慶樂理宗以賜榮王又改名勝景也放翁詩工且富足稱大家嘗夢故人相語曰我爲蓮花博士鏡湖新置官也君能斲爲之乎月得酒千壺亦不惡也

西泠仙詠卷二

七

遂以詩紀之曰白首歸修汗簡書每因囊粟歎侏儒不知月給千壺酒得似蓮花博士無見詞統越中有懷仙堂記祀梅福賀知章及放翁也見石笥山房集

大好蓮花博士才青山暫別鏡湖來懸燈曲榭春觴滿壁阮華堂夜讌開紅縐錦袍人似玉碧疏金井水生苔如何晚節亭前菊不記南園手自栽

南園詠牧童

韓侂胄過南園山莊趙師巽偕行至東村別墅宛然鄉井林薄中一牧童歌曰朝出耕田

暮飯牛林泉風月共悠悠九重雖竊阿衡貴  
誰爭得名到白頭趙呵曰平章在此誰敢唐  
綠苔燈突迹牧童至草廬屏上有詩云玉津園內行  
去雨中天討怨血空啼杜宇紅後侂胄爲史彌遠誅  
同平高於玉津園見昨非菴日纂此事與秦檜靈隱  
遇僧相似彼主和議而害忠臣此禁僞學而  
逐大賢其罪皆不可赦故仙佛示現點化而  
無如其終不悟也

朝出芸田暮放牛一生只合老林邱神仙幾輩邀青  
眼富貴何人到白頭虛有高文辱名士苦將僞學逐  
清流玉津何似南園好屏上題詩杜宇愁

西泠仙詠卷二

七

黃犢嶺詠邱真人

在臨平山前相傳真人乘黃犢采藥於此生  
曲竹人取爲杖故老相傳邱隱士羽化棄杖  
於地其竹皆曲

何年高隱碧峯隈黃犢隨人采藥回雲外一襟披笠  
去雨中雙髻荷鋤來翠眠芳草橫青嶂紅謝疏花點  
綠苔欲訪仙翁舊行迹林香山翠儘徘徊

瑞石山詠張紫陽

三洞羣仙錄載天台張伯端字平叔受道法

於呂祖弟子劉海蟾以傳石杏林杏林傳薛  
道道光傳陳泥丸泥丸傳白玉蟾是爲南  
宗五祖嘗於毘陵紅梅閣著悟真篇八十一  
首又爲白玉蟾著金丹四百字居瑞石山是  
宋吳傑集慶堂遺趾平叔號紫陽故弟子徐  
大宏道以紫陽名菴後范應虛作玉虛望江二  
樓范涑撰紫陽仙迹記

世宗憲皇帝謂紫陽悟真篇不著宗門一語外集不  
雜元門一語深入理域究明宗旨雍正十三年

敕封大慈圓通禪仙紫陽真人

西泠仙詠卷二

三

求仙容易悟禪難集慶虛堂積翠盤靈迹長留三洞  
籙新詩妙證九還丹禮星元鶴窺寒殿檄雨蒼龍下  
古壇瑞石亭前碑石在

軒皇輦路指層巒

大德觀詠王重陽

名壽號害風南宋人北宗七派邱劉譚馬郝

王孫皆其弟子元世祖時敕封重陽真人開

化輔極帝君大德觀有斬妖臺洗劍池諸迹

一角高臺面列壙琳宮寒壓翠芙蓉山形依舊翔靈

鳳仙派應知出火龍洗劍池荒秋水涸煉丹竈冷暮

雲封金蓮七葉同時放我亦淵源溯北宗

三一閣詠白玉蟾

白玉蟾本姓葛名長庚號海瓊子又號蟾菴

武夷散人神霄散吏紫清真人博洽儒書工

書畫善畫梅嘗於黎母山得洞元雷法祈禳

崇輒有異應晚事陳泥丸得聞天仙之道作修

春師源仙辨惑論以明天仙水仙地仙之次第又因

道平白張紫陽爲著金丹四百字作書以謝深明三

黎母山教同源性命雙修之旨嘉定中召對稱旨命

主太乙宮遂結精舍於此有辟劍池得月樓

西泠仙詠卷二

十四

諸迹菴在包家山下山川壇右

黎母山中禮導師洞元雷法護蛟螭葛元家學能傳

道李白仙才解賦詩搗藥禽歸寒夜碓埽花人去冷

春祠祇今三一菴前路月裏新蛸話桂枝

紫陽菴詠丁野鶴

元丁野鶴錢塘人棄家爲全真道士居吳山

之紫陽菴師徐洞陽有觀燈化鶴之異一日

召妻王守素入山付偈云嬾散六十三妙用

無人識順逆兩俱忘虛堂眞長寂抱膝而逝

髮披金守素亦束髮爲女冠明道士范致虛建亭祀

其遺蛻見武林紀事紫陽道院志輟耕錄瑞

石山志

斜日明霞接畫闌隔江山色翠干盤夢中華表歸仙  
驥悟後塵綠謝采鸞青嶂雲深芒屨溼碧天風峭羽  
衣寒荒菴終古留遺蛻瑤草松花滿石壇

金溪草堂詠虞伯生

伯生名集字邵菴臨川人允文五世孫累官  
奎章閣學士封仁壽郡公諡文靖有道園集  
少游錢塘居金溪草堂金沙港一名金溪也  
伯生和金真馮尊師蘇武慢詞二十闕仙遊

西泠仙詠卷二

五

山彭致中取而刻之爲鳴鶴餘音伯生自序  
之馮燕趙書生游汴遇異人得仙學賦蘇武  
慢二十篇前十篇道遺世之榮後十篇論修  
仙之事伯生得其傳故以七十二家符篆授

張伯雨也

合澗春淙下夕陽兩峯雲影聚溪光松風碧捲鄰家  
閣杏雨紅低隔苑牆港漾金沙秋水靜橋橫玉帶暮  
煙涼商量羅帕填詞日應憶西泠舊草堂

浴鵠灣詠張伯雨

張雨一名天雨字伯雨錢塘黃冠號真居九

成之裔後入華陽洞自號句曲外史初見虞  
伯生伯生問能作幾家符篆曰不能伯生連  
書七十二家伯雨下拜曰真吾師也初居西  
馬廐建茵閣詩所云歸錦橋邊停舫子散花  
灘上築樓居是也又嘗居葛嶺有神光樓并  
西丹房隱真館後居浴鵠灣有玉鈞橋賣玉  
鈞所建也所居名登善菴有黃篋樓自營墓  
於靈石鵠卒遂葬焉伯雨工詩精繪事善鼓  
琴與趙松雪倪雲林楊鐵崖薩鴈門鮮虞伯  
機相友善而高致靈迹復如此蓋稚川之後

西泠仙詠卷二

六

一人而已

何處瓊樓聽紫簫散花灘外雨瀟瀟醉中寫石奇雲  
立松下論琴細雪飄金茵舊山閒小閣玉鈞幽澗影  
長橋昨從浴鵠灣頭過蕊佩癡仙若可招

虎跑泉詠黃大癡

黃公望字子久本姓陸世家常熟繼永嘉黃  
氏遂徙富春善畫工詩有大癡山人集居西  
湖赤山之笕箕泉後於虎跑石上乘雲仙去  
接紫桃軒雜綴載黃子久年九十餘碧瞳丹  
頰一日過虎跑泉與數客立石上忽四山雲

霧湧溢遂不見咸以爲仙去初疑耽畫者飾  
之今緡道藏金文玉笈經子久編錄非一以  
金蓬頭爲師莫日鼎冷啟敬張三丰爲友生  
兼此間有夙慧其仙去也宜哉

扁舟載酒傍花還畫派荆關伯仲閒舊隱煙波向湖  
水卜居巖壑富春山秋林霜染紅千樹夜澗寒澄碧  
一灣真個乘雲竟仙去笳篴泉上草堂閒

井西丹房詠張思廉

思廉名憲號玉笥生吳人鐵崖弟子也仕張  
吳吳亡避迹以終有井西丹房詩云葛井西

西泠仙詠卷二

七

頭更向西丹房高與白雲齊鉛田虎下飛紅  
電永海龍沈結紫泥山鬼俯闌窺火候鑪神

伏地丐刀圭飲餘一盞松黃酒坐聽鶡聲松  
上啼蓋滄桑之感遁迹黃冠煉姤調嬰深明  
丹旨矣夔州府舊志云卽三丰

也同句漏乞丹砂來訪當年抱樸家何處故宮黃菜  
葉此閒仙館碧桃花光生石匣巡檐蝠聲墮銀牀噪  
嶺鴉誰似鐵崖老居士黃冠長侍絳帷紗

三仙閣詠張三丰

三丰名君寶字全一一名玄玄遼人神仙通

鑑云丁令威後身當與張思廉同是分光也  
生有異質嘗與人議論三教等書若決江河  
初寓安陸縣太平宮後入武當山修煉往來  
天柱紫霄諸峯世稱張邈邈洪武永樂先後  
訪求皆不出特飭正一張碧雲於武當建宮  
以俟天順中贈爲通微顯化真人嘗於廣陵  
賦瓊花詩云瓊枝玉樹屬仙家未識人間有  
此花清致不沾凡雨露高標猶帶古煙霞歷  
年旣久何嘗老舉世無雙莫浪誇便欲載回  
天上去擬從博望借靈槎蓋自況也所著玄

西泠仙詠卷二

十六

譚集合釋氏外景道家內景而一之尤以任  
督二脈爲命功之綱領大旨主於先修性後  
修命而闢爐鼎闡丹之說或以旌陽道光翠  
虛玉蟾諸真所闢採戰之張三峯當之不知  
彼年代旣前名字又異另是一人世人多誤  
爲一也雖所作無根樹詩屢言花酒神仙意  
主接樹添油仍是雙修氣交之法特沿參同  
悟真之習爲旁門藉口耳三仙閣在吳山三  
茆觀側內雕三像一坐一立一臥相傳三丰  
避永樂徵召隱迹於此尚有御札存閣中

省識三仙是一仙尙餘高閣此山巔遠辭玉闕羅公  
遠高臥金牀馬自然龍去滇池雲漠漠鶡啼鐘阜月  
娟娟當年御札空相訪寂寞長陵蔓草煙

吳山詠冷啟敬

冷謙字啟敬號龍陽子武陵人元中統初與

南劉秉忠從沙門海雲游無書不讀精易尤深  
歷爵太邵學及百家方術靡不洞習畫學趙子昂李  
韓畫俱思訓以善繪名後遇異人於淮陽授中黃大  
鼓琴洪武初授協律郎仙迹甚著有入藏取  
精通樂律按紅牙游戲仙山踏落花官庫有錢聊貫  
醉畫舟在壁便攜家臥苔蒼石鏘寒雪隔竹流泉響  
翠霞太息橫琴人不見碧雲無際月生華

南屏詠高青邱

高啟字季迪長洲人與張羽諸人稱北郭十

共友又與楊基等稱吳中四傑張吳時避地吳

越當淞之青邱因以自號明初徵修元史擢戶部

憲高祖侍郎辭乞歸後以爲魏觀作上梁文爲讒人

百端三譖死非其罪也曾至武林有岳王墓南宋故

金畫壁登舟之異劉基爲賦泉石歌

太白山宮諸詩其送錢塘守云休沐南屏煩一到松  
閒尋我舊題名則南屏固游屐所經也公之  
逝也尸解也既離塵世卽登上真掌法南宮  
輔相北帝道光辛卯顯迹於吳郡駐鶴壇因  
弟子汪心澈誦大洞玉章經十萬卷擢九天  
洪濟明德真圓真人又於邗上通元壇以洛  
書九宮法禱雨立降今於妙香天室主雲淨  
壇弟子輩於葆元堂斗姥閣塑像供奉焉

萬松陰裏舊題名翠壁莓苔雨後生猿踏落花香有  
迹鶴棲疏影靜無聲林端鐘靜殘陽墮臺上琴閒夜

西泠仙詠卷二

三

月明留取當年仙蹟在瑤潭香火接瑤京

高士鳴詠孫太初

太初名一元秦人嘗棲太白之巔故稱太白  
山人以鐵笛鶴瓢自隨居南屏名所居曰掛  
瓢堂嘗與友人張寰泛西湖舉李白改沔川  
南湖爲郎官湖例欲改西湖爲高士湖人因  
稱所居爲高士鳴在蓮花洞西有鶴渚在雷  
峯乃九杞山人置田爲太初飼鶴者有鶴田  
券後入湖州隱苕溪歸雲菴相傳以爲仙去

太白山人隱興長挂瓢遺韻響松篁司空池館王官

谷摩詰園林華子岡鶴去前塵秋水澹雲歸何處月  
華涼祇今高士湖邊過誰識盧鴻舊草堂

西湖詠徐霞客

霞客名宏祖字振之江陰人霞客其別字也

黃石齋爲更號霞逸而世以陳眉公所號霞

客行徧游海內名山著游記數百篇曾登空

同訪廣成子所居遠至塞外知江河同發源

崑崙辨三龍大勢謂江大於河著沂江紀源

一篇以訂桑經酈注之誤文震孟稱爲地行

仙人蓋東方曼倩禽夏向子平之流矣陳木

西泠仙詠卷二

三

叔所撰墓志言繫纜西子湖匝月則湖上蹤

蹟亦多惜游記佚此篇也

愛作盧敖汗漫游一生仙骨不知秋希夷蹤蹟留諸

嶽曼倩文章紀十洲服霧餐霞應有訣驂鸞控鶴更

無儔笑余偃臥空山裏雲壑惟從枕障求

江上詠伍冲虛

名守陽字端陽吉安人宗師守虛之兄入廬

山事曹老師李泥丸煉外丹垂成而飛者五

十七次得五雷法丹成將服之泥丸曰五臟

未堅服恐不利乃點石濟世吉王師事之恐

禍及遁至天台遇趙復陽命至王屋訪王崑  
陽受三大戒返服還丹質凡成化自號沖虛  
空閒 子著仙佛合宗天仙正理

仙佛何人識合宗沖虛妙理最圓融煉丹未是登真  
訣點石方成濟世功王屋松雲瑤島近匡廬雪瀑石  
梁空豫章帝子譚經處回首斜陽有故宮自取真經

西湖詠陸麗京

麗京名圻字講山西冷十子之一著威鳳堂  
集冥報錄以莊史案被累旣免棄家遠遊不  
歸游嶺南禮天然禪師於丹霞法名德龍字

西冷仙詠卷二

三

誰菴有人見之武當山洪昉思答人問講山  
蹤蹟詩云君問西冷陸講山飄然瓶鉢竟忘  
還乘雲恰似孤飛鶴來往天台宕閒或云

西冷仙去

君問西冷陸講山朱霞天半杳難攀逸情自與冥鴻  
遠孤影真如瘦鶴閒桐陰墓前傷逝去弟鯤庭以行  
鳴楓江劫後幸生還煙雲何處神仙蹟祇在天台雁

宕閒

西冷仙去

煙霞仙舍詠心月道人世寶其越山自撰書畫  
陳元英字寂寧明末人好道受禮斗修煉之

術於尙元子洞澈元妙言未來事多驗皈依  
者眾諸弟子爲營小閣於清平山曰寂寧道  
院順治丙戌上昇康熙丁亥徐欽爲記立碑  
屢於此壇降筆書法似褚河南署款或曰心  
月道人或曰陳道人張君仲雅有題先生小  
像詩云仙壇筆墨正縱橫喜見圖中道貌清  
百八十年容識面分明我亦似長生張叔未

題云荔支峯陳處士小像詩

雲房書法洞賓詩又見吾宗逸世姿應與玉蟾吟桂  
樹也同黃鶴畫榴皮蘿陰夜月三生石松影斜陽一

西泠仙詠卷二

三

局碁閒向華山參睡譜寂寧何必遜希夷

百步塘詠水月老人

百步塘在艮山門外寒水相繞漁煙遠生塘  
上有水月菴卽水月老人故居老人姓孫名  
文字文石號水月會稽諸生隱於杭榜所居  
爲梅園性恬靜一介不取閒爲長短歌詞問  
其年嘗稱九十髮盡禿人多以僧呼之范忠  
貞公撫浙老人曾從忠貞大父遊忠貞幼時  
老人撫其背曰是兒當建節吾土吾猶及見  
之至是忠貞聞太夫人言物色得之屏騶從

往謁捐俸爲建百步塘勒石記之時西溪多  
虎患老人謂忠貞曰山中大蟲任打門內大  
蟲休惹忠貞遷聞老人曰耳後火發須要有  
主意其後忠貞竟死耿難老人素不喜世事  
及是人以爲前知爭就問之老人厭惡避世  
不知所終士人改其居曰水月菴肖老人若  
僧像召緇徒奉之池北偶談稱爲水月和尙  
有正味齋集中有詩

一徑沙河百步塘祇今遺阨賸茆堂分明處士郭文  
舉何似仙人費長房劫外烽煙春寂寂望中雲樹月

西泠仙詠卷二

五

蒼蒼紅螺行者曾相識何處梅園發古香

宗陽宮詠王崑陽

原名平山西潞安人幼有道士顧之曰樵陽  
再生矣至王屋山遇趙復陽命名常月授以  
三大戒常說戒於京師白雲觀秣陵碧苑及  
杭之宗陽宮弟子千餘人成道者不可屈指  
道家有戒始邱祖以三大戒授世則始崑陽  
所傳碧苑壇經與六祖壇經相伯仲洵仙佛  
之梯航也爲龍門第七代律師住世一百五

十九歲

七代單傳衍北宗眞詮賴有闡揚功龍門共仰靈光  
殿鶴駕會棲德壽宮命學端須參性學元風原不異  
儒風一編碧苑壇經在三戒明明日正中

武林詠沈太和

名常敬字一齋桐鄉人常習靈匿於金蓋揣  
六韜壬奇於武林習長生久視於元蓋洞天  
從平陽子得太上宗旨遂隱茆山爲龍門第  
七代宗師住世一百三十一歲

偶將壬遁習韜鈴賣卦橋亭市隱兼康節行窩閒掃  
地君平卜肆靜垂簾思從元蓋求丹訣曾爲靈匿下

西泠仙詠卷二

三

玉籤終向華陽遂高躅一樽何必遜陶潛

大德觀詠黃隱眞

名守圓易名守元自號赤陽子原名珏號隱  
眞烏程人世居震澤明諸生幼孤傭工自給  
出遊得書法於董香光至武林日賣字以沽  
飲訪上陽子於大德觀得筆籙壬奇諸書潛

習於天目甲申易羽衣出至茆山太和宗師

書守圓二字以待之返湖隱於碧巖偕陶靖

菴入梅花島偕入京受大戒於崑陽至杭居

大德周太朗來求戒越十四年靖菴以如意

芝杖寄以付太朗留識而逝爲龍門第八代

律師葬天官山

滄桑劫後事全非  
焚卻儒衣換羽衣  
大德觀中留隱蹟  
上陽子後悟真機  
林中仙鶴翔華表  
島上梅花入翠微  
宗律何人承一貫  
棲霞嶺畔白雲飛

疎瀝西湖詠姚耕煙

所識王名太寧石門人年十三見賞於冲虛子從征

狗獠陪宴土司飛矢入營斃侍卒危坐如常  
隱西湖自號耕煙子會冲虛子來浙師事之  
盡得其傳謝凝素造問長生訣爲書令訪冲

西泠仙詠卷二

五

虛送至江干立逝七日不仆居民爲葬之六  
和塔疑素至楚遇之龜山示與冲虛相見期

忽不見

河魁玉帳坐談兵  
飛矢當筵了不驚  
蘋葉微波浮曉艇  
桃花細雨約春耕  
郎官湖畔疑重見  
羅刹江頭記送行  
曾向月輪山下過  
墓門長聽夜潮聲

戴士孤山詠謝凝素

名太易武進人嘗寓毘陵紅梅閣月夜聞羣

杳環佩聲得白玉蟾註道德經伍冲虛爲之  
解釋嘗居孤山謁王崑陽於宗陽宮後返金

蓋梅花島陶靖菴比之白鶴黃赤陽稱爲梅  
金仙嘗著金仙證論慧命經二書今爲僧柳華  
欲辨非陽所刻與宗師平準證狀錄並

紅梅閣畔棲元處金蓋山中種樹年放鶴有亭來偶  
爾冥鴻無蹟去翩然訣從道德真經得書任華陽釋  
子傳欲向巢居問和靖生前生後總神仙

相傳爲和靖後身

金鼓洞詠周太師

繪漢晉書式錄金鼓洞

名明陽字元真震澤人明諸生隨父官京師  
謁白雲觀禮七真願出家黃崑陽曰師在江  
南宗教將於汝一貫至葦山事孫玉陽從事

西泠仙詠卷二

七

宗教遇黃赤陽於大德觀受大戒至金鼓挂  
瓢三日洞主僧慧登以山施之始結茆今鶴  
林道院也爲龍門第九代律師弟子千餘人  
得宗旨者高東籬戴停雲方疑陽金靜靈孟  
逸陽東籬則沈太虛之師也

鶴林道院開山處此地青山合姓周金闕選仙如選  
佛玉天同證亦同修挂瓢洞口雲初曉倚杖巖前月  
始秋我媿龍門演宗派年年筇笠想從遊

金鼓洞詠高東籬

繪慧命經二書金鼓洞

東籬名清昱漢軍任臺灣觀察年八十八山

師周太朗爲龍門第十代弟子住天台桐柏  
宮主講金鼓洞鶴林道院講席年百四十歲  
金蓋雲羽化沈太虛閔小艮其弟子也

八十還丹未覺遲先生纔是入山時曾從梅島師修  
靜亦似桃源間義熙桐柏雲深龍聽瀑蓬萊晝靜鶴  
窺碁磔溪宗派淵源在一角雲窩我所思

鶴林道院詠沈太虛

太虛名一炳吳興諸生生而有文在手曰太  
虛主宰事高東籬爲弟子得太上李泥丸之  
傳泥丸爲太虛七至金蓋或云卽李八百卽

西泠仙詠卷二

天

李筌也以誦玉章經證清淨果深契天仙心  
傳混化之旨祈雨禳疫不事科儀惟以誠感

嘗言修真之士一以道德爲主有道德者有  
神通無道德者無神通也生化皆於吳興開  
化院沒時紅光燭霄漢先期分形徧別所知  
並降靈於蜀示至真經逸事甚多詳見金蓋

八十還丹未覺遲先生纔是入山時曾從梅島師修

金蓋雲巢有舊壇親承丹訣李泥丸太虛主宰文長

在道德神通論不刊桐柏宮中曾駐鶴梅菴島上記

驂鸞天仙自有心傳訣玉女前頭羽帔寒

胡剛剛君  
於雲開所

度女仙也卽至真經中太虛玉女胡真人

金鼓洞詠陳樵雲

名陽復原名去非字翼庭歸安人世居荻岡

從嶺巖受紫光梵斗遂休雲巢日夜虔禮甘

露降庭樹朱蘭歲放公鳳羣翔輕雲律師授

金以律宗出遊楚豫與李赤腳張蓬頭金口懷

金龍門道士輩多所印證主餘杭三元宮禱雨

主寶立應沒葬天柱金筑坪塑像三元宮邑大水

劉節小湖隄將決像忽躍出浮水面而水退邑令張

一則來君吉安爲堂以祠

西泠仙詠卷二

完

一陽來復見天真同派如君有幾人和氣能令甘露

降潛心長契歲華春蓬萊宮闕留蹤蹟苜蓿盤餐記

主賓閱良甫先生秉鐸餘杭與君相善卽小良師之尊人也頻向葆元堂畔禮

分明金筑證前身

金鼓洞詠飛來野鶴

乾隆中有道士於金鼓洞鶴林道院壁上大

書飛來野鶴四字體類飛白勢甚奇偉殆仙

筆也余年尚幼先府君攜余往觀曾爲一

詩紀之云道人本是青天鶴仙翩凌虛入寥

廓有時游戲下人間醉攬秋煙踏雲壑鶴林

慈濟寺道院鶴所居仙人樓閣橫空虛興來題名向  
洞觀文祠壁傾城走看仙人書棲霞嶺上深雲樹舊  
是仙人題壁處豈是當年丁野鶴乘興飛來  
復飛去君不見鍾離書榜佛國開靈石亦見  
蕭耘來此間殘墨尙留蹟煙雲黯澹生莓苔  
鷲鷲亦飛來洞中我是呼猿者詩載種藥齋集  
參萊觀中按金鼓洞爲吳興金蓋山下院鶴林道院  
壁蕭葉爲龍門第九輩弟子周太朗開山陶東籬沈  
麟猷蘇太虛諸眞咸修道於此宜有仙眞往來也

西冷仙詠卷二

三

滿地松陰滿徑苔何年野鶴此飛來榴皮作字雲生  
壁蕉葉題詩月上臺梅嶼迴翔共寥廓芝田遊戲隔  
蓬萊擘窠大筆淋漓甚始信仙人有別才

松吹堂詠杭堇浦

堇浦名世駿博學工文章舉乾隆丙辰鴻博  
入翰林以言事放歸自號秦亭老民有松吹  
堂詩文集前世觀音座前寄靈童子也見新

齊諧

放膽文章館閣推書堂歸傍亂松開龍鱗瘦入新詩  
卷鶴蓋香飄濁酒杯微月光留清影在長風聲捲怒

濤來寄靈畢竟歸真否蓮座花前禮善才

樊榭山房詠厲太鴻

林幹未名鶚錢塘孝廉乾隆丙辰以鴻博徵詩品幽

斑斑一潔世稱浙派杭州至今重之無子郡中詩人

賈小學為小葬西溪花鴨粟主奉交蘆菴琅嬛節相

柔卦效撫浙飭縣防護所作游仙詩三百首極凌雲

御風之致常於邗上降乱

分明生後與生前浙派詩成萬口傳邗上題襟新著

錄茗溪打漿舊因緣言從跨鶴驂鸞日回憶餐霞服

霧年留得高吟三百首曹唐解賦小游仙

西冷仙詠卷二

三

紫竹山房詠家句山先生

先生名兆崙以進士舉乾隆丙辰鴻博入翰

林官太僕卿有紫竹山房詩文集前世為文

昌宮中人沒後仍歸桂宮見新齊諧

家住城西近翠霞早年壇坫重湖山大科聲望華林

賈小學津梁弟子爛紫籜春深香冉冉碧筠日暮影

斑斑一編曾校宗英集仙苑琳琅在世間

先生詩文集余曾校

葛林園詠梁山舟先生

齋來寄先生名同書字元穎得貫酸齋所書山舟二

字因以爲號又自號頻羅居士相國文莊公  
子早年入翰林卽乞病歸書法見重海內生  
平朱嘗宿內室彭祖經所云上士異牀中士

異被服藥百裹不如獨臥者先生有焉年九  
十餘病中有人語云西方缺一羅漢本以相

待今主雲先至得之君可歸矣又數年卒葛  
林園在西湖葛嶺下隔湖卽和靖故居先生

嘗獨居於此湖滌山翠得於仙者深矣

虞緒書名一化尊逸情高致見清門證來羅漢非初  
果修到神仙有夙根和靖巢居梅樹老稚川丹井藥

西泠仙詠卷二

三

爐溫生平最感喬公語葛陽西頭問謝墩余幼年謁公於里第  
座客譽之先生曰此君風骨英異胸襟高曠神仙中  
人狀元宰相不足多也勿徒以才人目之噫噫景迫  
學道無成車過腹痛  
之言思之彌深耿耿結

沈莊詠鮑淥飲

名廷博字以文新安人寄居烏鎮刊知不足

齋叢書流傳海外云西泠仙詠一編黃本以附

高宗

仁宗兩朝咸加 褒賞君立心純粹以道通儒以儒

通道謂金蓋爲呂祖選仙道場九百年勝地

呂祖儒者宜改梅花觀爲梅花書院當奉

欽賜圖書集成尊藏惜歸道山未竟其志然勸朱春  
齊假菴而梅花館之規模復振桂宮玉局定  
富貴論有前緣矣沈莊在西湖君常寓此

鮑照才名海外傳能通儒理卽神仙期將鹿洞譚經  
席永作龍門護法船梅觀詠花空有約羽陵曝蠹惜  
無緣夕陽何處頻相見君有夕陽詩  
人稱鮑夕陽湖水湖煙四十

年

西園詠朱文正公

公名珪字石君大興人官大學士自知前生

西泠仙詠卷二

三

爲文昌宮中座前盤石故字石君晚號盤陀  
老人嘗設讌以享前世眷屬所爲古詩多參

同悟真之旨讀者每多未信然證文偉於楚  
北表曇陽於婁東嘗爲呂祖請加封號入祀  
典其爲仙也無疑矣曾視浙學西園學使者

富貴能將福慧修談禪太傅最優游聽松心蹟陶貞

白煨芋功名李鄴侯五嶽真形芝館靜一峯靈蹟桂

宮秋蟠桃仙李門牆樹紫府真人第一流謂阮琅  
媛師

爲顯阮公墩詠阮琅媛師

師名元字伯元又字雲臺儀徵人博綜經籍

尤深漢學著書以表章經術為主海內奉為

圭臬初視浙學後為浙撫禮士恤民賑荒籌

海崇功惠政美不勝書以協辦大學士總督

雲貴去浙二十餘年浙人思之猶若朝夕家

有畫像飲食必祝不減昔人之思東坡也座

主朱文正公嘗謂人曰吾門下士前生多文

昌宮中人惟阮某為紫府真人後身故福慧

最勝公初不信二氏近以述從事元門萬里

書來常問空同函關之事夙根固自不同也

西泠仙詠卷二

三

阮公墩在湖中三潭東南乃浚湖積葑所成

若蘇隄矣

百年青史定無儔經濟文章第一流位業前生原紫

府煙霞此地更瀛舟瀛舟本在節署後移白公祠池上為避喧籌海之地太平

宰相多功業上界神仙有唱酬金馬碧雞天萬里一作

留得一墩月華長照望湖樓

冷泉亭詠宋茗香

茗香名大樽仁和人官助教謝病歸好為山

澤之游往來湖上夜游不及歸輒枕石臥松

陰中詩境超妙似太白嘗言詩人身後一邱

一壑可得散仙歿之日人見其偕一客飲近  
村酒肆中述之已渺人咸以爲仙去

客兒亭畔易黃昏何處堪招宋玉魂詩骨高寒瘦  
鶴嘯聲清越答孤猿林閒梵響流雲氣水上松陰畫  
月痕兩潤春涼一靈鷲酒壚有約待君論

白蓮堂詠吳澹川

澹川名文溥嘉興人胸次高曠壯游海外客

楚戎幕喜論兵事善長嘯道然有鸞鳳之音  
又嘗夢身化爲鶴翩翩而舞若莊生之夢爲  
胡蝶也所著南野堂詩集琅嬛先生稱爲兩

西泠仙詠卷二

三

浙詩人第一沒二十餘年近有人見於黃鶴  
樓題詩有姓名好問黃仙鶴蹤蹟休疑白玉  
蟾句殆已仙耶白蓮堂在西湖昭慶寺君嘗

下榻於此

南野詩壇有舊盟西泠禪榻證三生靜依蕭寺聽鐘  
坐閒向蘇隄策杖行蘿葉當階秋雨細松陰滿地夜  
雲輕問君長嘯歸何處黃鶴樓頭月自明

金粟菴詠錢東生

名林仁和人官翰林學士余庚申同年也習  
養生家言嘗判陰曹事多前知死期前數日

料量家事儲備井井有條既逝滿屋作丹砂  
氣初慮作閻羅既曰免矣臨終人見山西監  
察燈在門

可容名姓注丹臺應有靈光燭斗魁陽世玉堂新典  
籍陰曹鐵案大輪迴須知泉路通雲路莫以仙才作  
鬼才高位儘多成道少蓬萊宮闕幾人來

天潛小隱詠汪季懷

季懷名瑜錢塘人余子婦端之尊人也性寬  
厚多長者行善鼓琴工詩通醫理所居曰天  
潛小隱卽以自號若陶貞白之華陽隱居也

西泠仙詠卷二

五

道光癸未冬余歸錢塘寓西湖黃葉樓夢君  
過余言前生本紫宮侍書以生平無過得歸  
舊地甚清暇當從君至吳門一視端也次日  
顧君西梅過余湖樓手一卷曰此君親家汪  
君季懷天女散花小像也存余家二十餘年  
久欲歸其後人檢之不得昨忽得之案頭而  
君適至豈非數耶故攜以奉君也語以昨夢  
互相歎詫因攜歸付端供奉之

琴囊詩卷悟聞根彷彿天潛老閉門水榭鶴歸秋雨  
細山樓猿嘯嶺煙昏畫船客至談仙蹟紫府人來記

夢痕是處芥瓶留丈室左家嬌女解招魂

翠涿園詠閔小良師

師名茗莛字補之吳興諸生九歲慕道與沈  
太虛同事高東籬爲弟子而實受道法於太  
虛兄事實師事也嘗官滇至雞足山以崑陽  
華嚴乎三大戒易梵音斗咒西竺心宗於黃守中守  
藥劑中名野闔闔婆中印度人元時入中國者也  
金蓋衣師於陰陽爐鼎之道靡不宣究晚乃一歸清  
淨性命雙修尤以性功爲主所刊書隱樓叢  
書以三尼醫世說述天仙心傳爲最勝所至  
禽畜互乳草樹交芬善氣所敷動植胥化得  
中和位育之道焉

西泠仙詠卷二

三

金蓋分明演一燈三尼醫世說三乘身爲爐鼎心爲  
藥佛卽神仙道卽僧命蒂固於花萼斂性光定到月  
華澄年來親侍瑤壇席雲笈眞詮手自謄

湖上詠陳春谷

名陽眞字太樸原名樸生又號棲雲子辭婚  
不娶遇李蓬頭偕至杭遇有道卽師之通內  
外典十八丹頭無不洞悉父母夢神謂其已  
得元宗後當證果金蓋父母藉以東昇五朝

九華七朝南海三至五臺往還桐柏委羽開  
專事煉命父母由是還少證果羣叩其故曰  
上昇之道全憑乎神神則藉氣氣則藉精積  
精累氣累氣足神神之用大矣懶雲子授以

三戒

妙蘊能參精氣神解談元理見天真自明宗旨承三  
戒能以誠心格二親露處不妨花作幄雲游到處羽  
爲輪至今金蓋山頭寺嗣律矜嚴少替人

閒地菴詠朱野鶴

野鶴名照字古愚海州人中年從事元門後

西泠仙詠卷二

庚

見同學者三人皆不成乃徧游名山得性學  
於金山慧大師一意性功深得合一之旨定  
中見市肆所刲羊豕皆爲人身因斷葷血道  
光甲午與華胥子相遇鬱洲山下劇譚三日  
相得若無著天親也嘗至西湖閒地菴遇同  
堂七僧皆明性功爲他處名利所未有云將  
辭家寄菴終老也有野鶴詩八十一首多言  
性功若紫陽悟真焉

名山到處禮高僧歸臥雲臺最上層赤足屢逢仙採  
藥白頭親遇佛傳燈眼光清淨明於月心境高寒冷

似冰畢竟西湖好煙水一菴閒地待紅藤

野鷗莊詠錢叔美

名杜字松壺東生弟也工詩善畫幼年隨宦

滇南患瘵疾飲夜交藤汁始瘳中年卜居秣

陵之陶谷余夢中與君前世同為西湖壑菴

僧往來中州袁浦近卜居湖上修餐霞服霧

之術以絳州道士十六字訣易余一字金言

鬼被誰貽柿蒂綾

君入蜀舟被竊失其襪被有與國州徐姓貽以被僅寬尺許類棺中

物後亦失之

仙槩曾飲夜交藤雪中騎象詩雙管琴外飛

鴻畫一燈老屋尚餘陶谷樹前身同證壑菴僧絳州

西泠仙詠卷二

三

丹訣嵩陽隱閒話湖天夜月澄

懷仙閣詠盧子鶴

子鶴不知何許人曰圓嶠真逸道名也曰香

苑覺民釋名也曰鬱洲旅逸世名也與摩鉢

前生同玉局校錄今為神霄玉府兩宮掌籍

簽書紫微內翰受人元祕旨於呼猿洞主受

天仙心法於金蓋先生嘗誦頂珠普吉真言

道姥臨雲淨壇所傳也於龍門為第十二輩

著三教真詮人元祕旨法苑卮言青郭內經

西泠五集華胥七編全家奉道受籙者九人

懷仙閣在西湖翠淥園或云此其前世姓名  
或云託名若李北海之伏靈芝黃仙鶴月泉  
吟社之連文鳳也

前世應爲無是公今生且作信天翁家居東菜西魚  
地人在南花北夢中山翠破雲浮枕簟月華澄水漾  
簾櫳全家道氣濃如許各有靈光炳太空

西泠仙詠卷二

罕

兼謝全案激泉豐噴養谷育靈武融太空兩客掌籍  
以人卉南芬北楚中山翠斂雲霄林簾民華遊水鏡  
而世飄溢無最公今且且林計天籟卷臥東菜西魚  
西泠仙詠卷二齊西將陸游園遊記其前遊後記

西泠仙詠卷三

圓嶠眞逸著

山中詠越處女

杭州古越地猿公試劍或卽在湖上諸山處  
女卽元女劍仙之祖也

非有師承自得之術經天授始稱奇但看虹影浮蓮  
蕊已聽猿聲嘯竹枝貫斗芒寒飛練急處囊光斂荆  
鐘遲分明佳俠嬋娟子紅綫歸來夜月知

江上詠武陵娘子

楚有武陵娘子祠相傳范蠡女也一舸浮家

西泠仙詠卷三

一

應亦自南而北祠祀二千年不廢意者其有  
道術歟

前生應是婉凌華一舸先浮去國槎劍術早應師越  
女舞衣終竟薄吳娃種蘭芳渚酬佳節采葛春山憶  
舊家合與瑤姬共祠廟武陵谿畔有桃花

妙庭觀詠董雙成

雙成爲西王母十六侍眞之一妙庭觀在富

春觀山雙成修道上昇處

雙成遺蹟舊金庭門外煙巒晚更青月底修簫秦弄  
玉波閒鼓瑟楚湘靈夢回翠水應相識奏到雲璈或

解聽如此仙山好樓閣商量只合住媼姪

江上詠樊雲翹

樊雲翹劉綱妻也鄞四明山爲雲翹所居故曰  
樊榭夫婦皆有仙術綱官彭城與雲翹遊戲  
較術綱常不勝唐太和中泛舟鄂渚秀才裴  
航遇之賦詩答航航至藍橋遂偕雲英仙眷  
馬貞元中於君山斬白鼉救人無算嘗於駐  
鶴壇降乩稱君山神姑西池度楫中有詩六  
首

雲英未必勝雲翹樊榭金庭隔綵橋仙侶荷鉏同采

西泠仙詠卷三

二

藥侍兒捧硯正垂髫

有婢曰裊煙

彭城遊戲衙齋靜鄂渚

煙波驛路遙我誦金經思學道願隨鸞鶴上丹霄

葛嶺詠鮑姑

姑名潛光鮑元女葛洪妻洪所至移家會居  
葛嶺則錦鴉雲菴當有鴻案鹿車遺蹟

神仙眷屬屢移居葛嶺何人紀鮑姑石屋應留家具  
在碧奩曾照曉粧無金庭窗牖開樊榭甲帳樓臺話  
繡襦飛徧羅浮綠胡蝶玉梅花下點春蕪

稽留峯詠許遠游妻

遠游好道遣妻孫氏還家爲書以謝絕之孫

氏爲書答遠游曰昔梁生絕嶺孟光是攜蕭  
史登臺秦女不舍衛人修義夫妻同行老萊  
逃名伉儷俱逝豈非古人嘉遯之舉遠游不  
納見金蟬脫殼許邁妻孫氏彥達之女秀之  
孫女旣離好無子歸宗見真誥稽留峯在靈  
隱邁隱處觀於孫氏之書詞意兼美非深於  
道念者不能也

地仙容易署東華懸雷深山石徑斜何事實泊棄蘇  
蕙虛勞徐淑答秦嘉繡襦甲帳自明月樊榭金庭空  
暮霞寂寞稽留峯下路風吹寒瀑謝蘿花

西泠仙詠卷三

三

仙姥墩詠裴仙姥

姥餘杭人嫁西湖農家善採百花釀酒王方  
平嘗就沽飲授藥一丸以償酒價姥服化去  
後有人經洞庭見賣百花酒者卽姥也見列  
仙傳東晉初裴氏姥採眾花醞酒仙去見方  
輿勝覽墩在清波門外舊傳基阨高數十尺  
故名墩也

提壺聲裏路三义重訪餘杭阿姥家欲就麻姑買滄  
海偶邀仙客酌流霞一尊酌月金波湧雙髻穿雲柳  
浪斜我願西湖作春酒年年來醉碧桃花

江上詠嚴李佗

雲笈七籤載道教相承錄左元放授嚴光女

李佗

嚴家少婦梅家女

子陵婦梅福女也

家世神仙女亦仙仙又

傳仙真慧業女還生女小嬋娟一肩荷鍤樵雲路雙

髻簪花采藥年七里桐江春水碧畫眉啼斷竹林煙

吳山詠孫寒華

吳人孫奚女也師杜契受元白之要顏容日

少周旋吳越諸山十餘年乃得仙道而去見

塘城集仙錄真誥云孫賁女於茆山得道沖

西泠仙詠卷三

四

舉因名其山曰華姥山或云吳大帝女孫也

紫髯帝女字寒華姥峯頭問舊家微子殷勤求服

霧真妃宛轉授餐霞赤烏碑圯埋青石朱烏窗深掩

絳紗留得閉房遺錄在碧城誰與論黃芽

杭州詠陶科斗許娥皇道育瓊輝

許穆一名謚字思亢邁之弟也婦陶科斗女

弟娥皇家有上清真經是魏夫人授弟子楊

羲羲以傳穆故全家奉道也孫黃民女道育

瓊輝並得度世詳見真誥黃民避亂奉經入

剡復由剡至杭則科斗諸人於武林有仙蹟

許掾全家道氣濃一編眞誥易遷宮越中避地如梅  
福湖上移居似葛洪四壁煙霞環枕簟幾房兒女話  
簾櫳他年化鶴歸華表儘喚曾孫識此翁

龍華寺詠傅大士妻

傅大士故漁人遇嵩頭陀指令臨水觀影見  
圓光寶蓋便悟前因夫婦雙修頓通佛法龍  
華寺梁武帝所立舊有傅大士像拍板門椎  
藕絲燈

應是西方善女人龍華會有前因修來煙水漁家

西泠仙詠卷三

五

傲散罷天花佛國春菱鏡鴛鴦留舊影藕絲龍象證  
微塵不須更建雙飛寺寶蓋圓光各悟眞

飛來峯禮隋神尼劉智仙舍利塔

智仙河東蒲阪劉氏女少出家有戒行隋文  
帝始生於寺逆知爲帝代爲撫育皇妣來抱  
見兒成龍形驚墮地智仙曰驚吾兒致令晚  
得天下帝長謂之曰佛法暫廢賴汝而興屬  
周武廢教智仙隱帝家卒後帝卽位令天下  
造佛舍利塔仁壽二年杭州造塔於飛來峯  
發土得石函置舍利函不差分寸人咸異之

神尼塔畔禮神尼象教興衰此導師幻出神通仙佛  
母撫來襁褓帝王兒潛龍宮圮金瓶古靈鷲峯高石  
匣奇記向飯猿臺下過夕陽花雨讀殘碑

江上詠謝自然

蜀女眞謝自然泛海將詣蓬萊求師至一山  
遇一道士言天台山司馬子微名在丹臺身  
居赤城眞良師也乃回求受度白日上昇見  
雲笈七籤昌黎詩謗爲童駿口孽哉

蜀道修真謝自然當年寒女此神仙終歸桐柏昇香  
地會上蓬萊採藥船白帝綵雲原縹緲金庭明月最  
嬋娟昌黎謗道回心否雪擁藍關馬不前

西泠仙詠卷三

六

江上詠焦靜眞

女眞焦靜眞靈識精思至方丈遇二女仙謂  
曰子欲爲眞官可謁東華青童道君請其名  
字謂司馬子微也見雲笈七籤唐劉禹錫有  
送焦鍊師詩似以宮人入道者當卽靜眞也

東華宮闕禮眞君更有蛾眉焦靜眞天上一宮應待  
汝山中二女定何人可無服霧張微子或有餐霞安  
鬱嬪石室丹臺終證果隨州詩格最清新

杭州詠夏山姑

杭州有黃三姑者窮理盡性時徑山有盛名  
常倦應接訴於三姑姑曰皆自作也試取魚  
子來咬著寧有許鬧事徑山心服或曰夏山  
姑見唐國史補

分明一語振宗風不證三摩證大通紫竹觀音原幻  
相黃花般若是真空界羅自賣龐靈照梵夾親書邵  
道沖會得禪機魚子在青山如水月當中

靈隱詠顏待月

待月名初元瀟湘人母夢絳雪而生年十九

白樂天納爲窈室聰慧能詩嘗偕春草二人

西泠仙詠卷三

七

至潯陽後爲蠻素所譖失寵有病中感懷詩  
云月瘦花殘不似前淚珠零落枕函邊可憐  
惟有金條脫臂上依然伴妾眠後樂天召還  
京師以病不復隨寄居西湖靈隱山女真菴  
會昌六年七月初九日忽語人曰白尚書已  
爲海山院主先吾五日逝矣今來相召吾當  
赴也端坐而化事見匡廬小志

夢中絳雪豔煙鬢青壁丹崖待玉顏修竹竟留寒女  
住羣花爭擁使君還雲龕對戶峯雙影雪澗當門水  
一灣如此蛾眉尙遭妒多情空說白香山

江上詠吳仁璧女

仁璧以不譏秦國太夫人墓銘爲武肅沈之  
江中女年十八亦能詩精天文仁璧被繫女  
泣曰文星失位大人其不免乎聞父死自沈  
見江見十國春秋有閒居詩云爲惜苔錢妨  
換砌因憐山色旋開尊仁璧仙去有人見女  
從父於羅浮見雅言雜載

沈湘往事最堪悲小海歌中玉一枝漢代緹縈原孝  
女楚江擊絮是貞姬白蓮洲上嬌留影新月沙頭澹  
掃眉合與曹娥同廟食惜無過客解題碑

西泠仙詠卷三

八

湖嶺詠黃靈微

花姑者女道士黃靈微也年八十而有少容  
自唐初往來江浙湖嶺閒名山靈洞無所不  
造至南嶽訪魏夫人壇葺而親之嘗爲野象  
拔箭齋輒銜蓮藕以獻景雲中睿宗爲建洞  
靈觀開元中上昇有仙蛾集壇上白鹿出入  
塚閒明皇詔道士蔡偉編入後仙傳顏真卿  
刺撫州以女道士黎瓊仙七人居仙壇院書  
碑以紀其事見墉城集仙錄

靈蹤仿佛比麻姑尚有平原片石無野象銜花珠殿

靜仙蛾集樹石壇孤閉來丹室珍三寶禮罷黃庭颺  
五銖何處湖干舊行蹟美人湖似玉娘湖

杭州詠王奉仙

當塗民家女也年十三四恆有女伴與之游  
戲多著靈蹟及長貌若天人智辨明悟江左  
之人謂之觀音杜審權鎮金陵令狐絢鎮維  
揚延請供養高士主父懷杲疑以爲邪就而  
問之話道累日爲所折服後與二女弟俱入  
道居洞庭山光啟初遷餘杭界居于頌山山  
下之人爲棣華宇以居之見塘城集仙錄

西泠仙詠卷三

九

何處香壇著棣華仙人家是美人家綠鬟侍女青綾  
帔白髮門生絳帳紗牛渚煙深宵浣月馬塍雨過曉  
栽花藐姑冰雪麻姑髻元蓋山前禮碧霞

水雲亭詠周瑤英

王迴字子高錢塘人嘗逢仙女周瑤英攜之  
游芙蓉城作歌以記其事胡微之王子高芙  
蓉城傳瑤英偕子高過一嶺及門佳木清流  
殿閣金碧女流道裝者百餘人遂登東廂之  
樓題曰碧雲一女郎年可十五容色嬌媚曰  
此芳卿也明日王問其地曰芙蓉城也水雲

亭在錢塘尉廡子高故居也見夢梁錄亦見東坡芙蓉城詩序

冥冥花國隔千盤一路芙蓉送羽翰  
闔苑書來應附鶴緜山人去定驂  
鸞笙簫縹緲雲中聽樓閣空明月  
下看今日眞仙亭畔過煙波何處倚闌干

廣陵侯廟詠陸氏三女

宋眞州兵馬都監陸圭攻方臘死難  
淳祐中潮圮江岸神牽三女揚旗  
空中浮石水面岸賴以成聞於朝  
建廟封廣陵侯并封三女爲顯濟  
通濟永濟夫人見游覽志三女一  
主護

西泠仙詠卷三

十

岸一主起水一主交澤見錢塘遺事廟在江干石冢

翠羽名璫列畫裙金燈香樹薦蘭薰  
晚奩鏡展閭江月曉閣環多擁海雲  
遠舶長瞻青鳥使靈旗應從碧霞君  
女貞花發忠臣廟有客觀濤詠夕曛

此君堂詠西湖水仙

宋有邢鳳者字君瑞寓居西湖有堂曰此君水竹幽雅一日獨坐見美人度竹而來吟詩曰娉婷少女踏春陽無處春陽不斷腸舞袖弓彎渾忘卻羅衣虛度五秋霜鳳口占挑之

曰意態精神畫亦難不知何事出仙壇此君  
堂上雲深處應與蕭郎駕綵鸞女期以五年  
相會於鳳皇山下言訖不見後五年邢隨兄  
鎮杭乃思前約具舟泛湖遙見美人舉手招  
之曰妾西湖水仙也千里踐約君情厚矣鳳  
喜躍過舟蕩入湖心人舟俱沒後人嘗見鳳  
與採蓮女游蕩於清風明月之下見西湖志

餘

小姑居處本無郎舞袖羅衣感斷腸儀鳳書生唐柳  
毅驂鸞仙子杜蘭香松陰滿地靈壇遠菱唱橫波畫

西泠仙詠卷三

十一

舫涼惆悵雙投橋下水弓鸞回首此君堂

小故皋亭山詠撒沙夫人

夫人皋亭山下倪氏女金兵至沈水死見夢  
韓蘄王臨陣有神鴉蔽天鼓翼飛沙敵騎目  
迷而敗韓表其異因加敕封建祠崇奉廟在

皋亭山見湖壩雜記

皋亭亭畔舊兒家白雁橫江噪晚鴉嘯夜悲懷同漆  
室沈淵心事托懷沙宮嬪題壁憐隨月天女凌空解  
散花今日青山有祠廟金燈香樹擁明霞

前洋街詠玉真娘子

紹興中程迥居前洋街一日有物如燕自外  
飛入乃一美婦長五六寸自言玉真娘子迥  
就壁爲小龕居之香火供奉頗言休咎期年  
飛去見睽車志

少鶯何處問前生瓔珞香龕有舊盟掌上輕盈趙飛  
燕花前睨睨春鶯神君帳底中宵語妙子林閒靜  
夜聲何事經年便歸去驚鴻小影最傾城

酒肆詠烏衣女子

紹興閒都下酒肆有道人攜烏衣椎髻女子  
買斗酒獨飲女子歌詞以侑云朝元路朝元

西泠仙詠卷三

七

路同駕玉華君千乘載花紅一色人間遙指  
是祥靈回望海光新又歌云煙漠漠煙漠漠  
天澹一簾秋自洗玉舟斟白醴月華微映是  
空舟歌罷海西流凡九闕皆非人世語或記  
之以問一道人曰此赤城韓夫人所製水府  
蔡眞君法駕導引曲也烏衣女子疑龍云見

林下詞選

偶留仙蹟駐湖濱一曲新歌四座聞黃鶴酒香宜醉  
月青蛇劍氣欲凌雲珠宮貝闕紅霞帔霧鬢風鬟白  
練褰誰識吳城小龍女捧花長侍玉晨君

映壁菴詠唐廣眞

廣眞嚴州人既嫁得血疾夢道人與藥服之  
而愈因辭家入道至平江謁蓑衣何先生稱  
爲仙姑號無思道人清熙中夢呂純陽曹湜  
成猷道僧偕渡海游名山純陽令往元靜吳  
眞人洞習書以有母願留形住世高宗召入  
德壽宮宣問符水靈驗書寂靜先生四字賜  
之累封寂靜凝神眞人三寶心鏡云廣眞好  
道虔奉何仙姑一日親授元妙有三仙引至  
海邊跨大蝦蟇渡海隨游名山映壁菴在鳳  
皇山南宋粧臺在焉下有洗粉池

西泠仙詠卷三

三

符水靈徵感玉京曾邀天語署先生雲閒問道何中  
立夢裏游仙曹湜成羽帔幾經三島去黃繩頻向六  
宮行留形住世因慈母寂靜凝神自有名

梅莊詠武元照

元照蕭山民家女幼不茹葷夢神令其休糧  
因剖腹滌胃受靈寶大洞法及混合眞人印  
以符水濟世二僕肩輿呵桃與食終日不飢  
錢塘陳氏女病噴蘼蘼不效元照至立愈爲  
張俊妾治腹疾服符產巨蛇韓蘄王姪子辰

深敬之延之家侍女夜窺之見青雲起鼻端  
一碧色嬰兒盤旋腹上後歸蕭然山端坐逝  
蕭然山下舊人家絕似當年萼綠華呵氣曾聞咒桃  
實休糧應不飯胡麻腹中毒蠱消丹篆鼻上香嬰燦  
碧霞聞道梅莊留舊蹟西湖佳處共看花

神仙宮詠魏無瑕

神仙宮在西溪宋御書額黃冠千指至端平  
閒有女真魏無瑕築室退居於此系以詩云  
年來青鳥碧桃花築室安前卽是家玉貌星  
冠隨絳節雙成不及魏無瑕見西湖百詠今

西冷仙詠卷三

十四

惟菴名存焉安前西溪地名

萬橫香雪暮雲重笙鶴歸來弔落紅蕊榜才人林幼  
玉廬山道士李騰空白鷗蘆葉涼煙外青鳥桃花澹  
月中應是水仙祠宇近清溪一曲傍幽宮

煥彩樓詠孫不二

孫清靜馬丹陽室夫婦同事呂祖弟子王  
重陽修道成真爲北宗七真之一位不二元  
君岱陰有清靜石室其修真處也嘉慶中降  
武林煥彩樓傳西王母女金丹爲女修正  
途金蓋弟子陳蘭雲刻於吳門葆元堂

翠微深處禮元君修到元君更不羣  
遠與劉樊媿佳耦近從葛鮑誦清芬  
東華玉笈多靈篆西姥丹經有祕文  
煥彩樓頭親降筆青鸞長侍鬱金裙

梯雲樓詠徐元娘

正節先生應鑣女元師迫諸生北行從父兄  
投井死

銀牀清冷照娥眉媿煞宮車北去時  
高妹殉親宜作志曹娥死孝合題碑  
芳魂應返青鸞羽古水林牽玉虎絲  
好爲湖山留正氣一門忠孝禮叢祠

韓蘄王池詠徐君寶妻

西泠仙詠卷三

五

蘄徐君寶妻岳州人至元丙子伯顏偏師破岳  
州被擄來杭居韓蘄王府前主者欲犯屢以  
計脫度終不免乃題滿庭芳一闕於壁云漢  
上繁華江南人物尙遺宣政風流綠窗朱戶  
十里爛銀鉤一旦兵戈舉旌旗擁百萬貔貅  
長驅入歌樓舞榭風捲落花愁清平三百載

典章文物掃地俱休幸此身未北猶客南州

破鏡徐郎何在空惆悵相見無由從今後斷

魂千里夜夜岳陽樓投池水死見輟耕錄韓

宅後爲景靈宮當在今錢塘門斑衣園梅岡

園當是別墅也

一池畢竟湛清流玉碎珠沈古渡頭烽火可憐驅北  
客湖山猶幸對南州蝸涎墨澹煙窺暝鷗夢香銷月  
浸秋故國招魂何處是斷雲千里岳陽樓

城西詠織登科記女子

夷堅志建炎春一士人步城西有虹自地出  
圓影若水晶老木楹槎有茆舍機杼之聲女  
子四五縮烏絲丫髻玉肌雲質衣輕綃揜腕  
組織視之錦文重花交葉之下有字數行首  
曰李易問之曰登科記也

西泠仙詠卷三

三

銀浦流虹抱月生蕊珠仙榜見分明支磯石畔窺眉  
黛及第花間問姓名舉首偶然逢李易此中或者有  
梁清成都卜肆今誰在我欲乘槎犯斗行

長春菴詠蔡沖靜

延祐閒有姚真人者錢塘人妻蔡氏脫俗修  
眞建菴於洪福橋西相安菴曰長春姚亦建  
菴於妙心寺北曰長生夫妻皆證道妙人稱  
雙修見西湖游覽志楊維禎趙孟頫聶大年

皆有詩

流水溪橋浸紫霞瑤房晝靜轉丹砂別營桂隱金仙

閣深鎖蘭修玉女家滿瓊曉雲烹雪茗一犁春雨種  
瓊花羣真有約驂鸞去中夜歸來月未斜

紫陽菴詠王守素

丁野鶴妻也野鶴既寂守素亦束髮爲女冠  
途中拾小樹栽之曰我成道汝成林後二十  
年樹林成守素化去卽山前成道樹也薩雁  
門有詩贈之  
玉簫聲裏翠雲閒霧鬢風鬟隱翠巒種樹陰成山館  
靜掃花人去洞門寒集靈臺上遲青鳥寫韻軒中問  
采鸞何處蒼苔補衣石月華如雪滿瑤壇

西泠仙詠卷三

七

南山第一橋詠曹妙清

妙清字比玉號雪齋錢塘女士善鼓琴工詩  
三十不嫁而風操可尙嘗持所著詩文偕乳  
媪訪楊鐵崖於洞庭太湖間爲鼓琴歌詩以  
寫山川荒落之悲引關雎雉朝琴操以和白  
雪之章鐵崖大賞敘爲曹氏弦歌集見女世  
說和鐵崖西湖竹枝詞云美人絕似董嬌嬈  
家在南山第一橋不肯隨人過橋去月明夜  
夜自吹簫師事鐵崖鐵崖答以詩云紅芽管  
蒂紫狸毫雪水初融玉帶袍寫得薛濤萱草

帖西湖紙價頓能高玉帶袍者曹之名硯萱  
草帖狀其孝也居在湖灣朱靑湖擬於第一  
橋建明月吹簫樓

何處南山第一橋湖波如鏡綠迢迢玲瓏白石依粧  
閣曲折紅闌近畫檣花氣留香春捧硯月明和影夜  
吹簫小姑獨處眞清絕不共蘇娘鬪舞腰

孝義菴詠湯祿錦

蓮池大師繼室湯氏後師祝髮名祿錦建孝  
義菴爲女叢林主先一年化塔於雲棲寺外

右山

西泠仙詠卷三

六

虛庭花影悟優曇七筆勾中五蘊參林外舊栽成道  
樹橋邊新築出家菴蒲團香定風迴幔玉磬聲遲月  
滿函前世應知善天女春山結伴禮雲龕

湖隄詠葉小鸞

小鸞名瓊章一字瑤期吳江人父紹袁母沈  
宛君生三女長紉次蕙綢小鸞其季也幼  
慧工詩兼善寫生宛君謂比梅花覺梅花太

瘦比海棠覺海棠少香年甫十七未婚而沒

紹袁刻其遺詩名返生香後相傳從天台泐

大師受戒前生爲月府侍書寒簧也有游西

湖詩云隄邊飛絮起一望暮山青畫楫笙歌  
去悠然水色冷

櫻湖照影曉波寒第一仙人葉小鸞略解春情嬌乳  
燕微吹花氣靜芳蘭晚霞魚尾橫粧閣新月蛾眉起  
畫闌依舊隄邊飛絮起招魂容易返生難

湖上詠屠湘靈

湘靈名瑤琴鄞縣屠長卿女士人黃振古妻  
能詩卒年二十有七長卿子金樞娶沈君典  
女字七襄亦能詩均早卒兩家彙刻其詩曰  
留香草長卿故好采真譚空覈元自詭出世

西泠仙詠卷三

九

有化女湘靈爲祥雲洞侍香童子詩湘靈有  
湖上采蓮曲

疑采明珠淥水濱嬋娟前世本湘君花閒照影雙鬢  
重柳外迴波兩漿分結伴戲鷗牽翠袖避人裏鴨解  
羅裙六橋東去三潭路西子湖頭日暮雲

梅花嶼詠馮小青

小青名元元容態妙麗通文翰解聲律精諸  
技家廣陵年十六歸武林馮生千秋以同姓  
故諱之見嫉正室徙居孤山別墅馮姻楊夫  
人憐之勸之歸小青答書有云去則弱絮風

中住則幽蘭霜裏蓋志節素定矣卒以抑鬱  
病卒有焚餘草讀者憐之見支如增小傳虞  
山蒙叟託河東君之言謂無其人人多信之  
按張潮虞初新志所載小青有女弟紫雲歸  
西會稽馬髦伯姚靜增修游覽志載入西湖路  
孤山相傳有小青廬支傳外有馮猶龍所作  
一傳更詳虞山謬論不足破也余嘗謂女子  
有才爲妾不得志以死者皆小青之類留此  
零膏冷翠爲天下後世傷心人寫照耳道光  
甲申爲修墓於孤山建蘭因館並撰墓志賦

西泠仙詠卷三

三

詩紀事女士和者三十餘人余家舊藏小青  
降乩詩刻本一卷

遠笛哀秋聽雨天綠陰西閣弔嬋娟桃花命薄難留  
影紫玉情深易化煙梨汁豈能消鬱結藕絲從此解  
纏絲傷心紅粉知多少不似斯人最可憐

西湖詠柳依依

依依名靈和揚州人年十六歸方氏翁官浙  
東年十八夫死守貞越三載揚州城破被擄  
不食七日卒順治乙酉年也乾隆乙巳降乩  
海門不言休咎云未來之事有未來之天主

之言之太顯洩機招謹言之太幽設渡藏舟  
且人生禍福履之自明縱預燭前知亦毫不  
能趨避士君子惟當寡過以遠咎強善以迎  
祥木筆沙盤不必多爲從事所言甚精有降  
壇詩云歸去虛空踏月行冰綃衣重白雲輕  
三秋曾飲銀河水吐向長江一色清並書舊  
詞六闕如擬劇愁根反長愁枝葉澹月鋪窗  
亂寫飛花影夜靜花枝嬌欲睡可憐人醒東  
風醉水底月輪冰樣脆柳條敲著連波碎眞  
仙才鬼才也乞傍佛屋女祠建屋棲止道光

西泠仙詠卷三

三

乙酉吳人爲建祠山塘清節堂側  
玉潔蘭薰絕代才紅顏何處掩蒼苔潮平小海驂鸞  
去煙暝重湖跨鶴來花影窗虛黃月上冰綃衣冷白  
雲迴蘇隄萬樹嬋娟杳細雨東風遠夢哀

江上詠沈雲英

雲英蕭山人道州守備沈志緒女流賊犯道  
州志緒戰死雲英匹馬入賊陣奪父屍還詔  
以雲英爲游擊將軍代領父眾會夫賈萬策  
戰死荆門雲英辭官扶柩歸葬通春秋學設  
帳授徒卒葬龕山毛西河爲撰墓志董恆巖

作芝龕記樂府以雲英爲樊雲英後身與秦

西良玉爲秦弄玉後身極意表章雖小說家言

爾來愚然文武忠孝兒女英雄三生位業定不從人

果曇亦閒來

芝龕記裏兩娉婷天女華鬢玉女星荀灌早年曾救

父宣文老去尙橫經淒涼湘水和煙暝激盪江湖帶

雨聽指點海門青一角西河太史舊書銘

小蓬萊詠黃智生

智生名竣兒顧若璞孫女生而端麗能詩歌

小令性喜學佛病甚父母痛之女曰金鎗馬

西泠仙詠卷三

三

麥定業難逃兒身痛耳心無所苦年十九卒

見婦人集受同邑陸文學鈞聘未婚病篤飯

依於雲棲石上人大殯若璞母弟也刺髮而

逝若璞爲作往生紀實小蓬萊在回峯黃氏

父宣文別業也

天風吹過小蓬萊家有徐陵舊玉臺貝葉香中參佛

果曇花影裏悟詩才隔湖空翠粧樓見捲幔聞雲病

榻來馬麥金鎗皆定業此心安處不須哀

西子湖詠何澹玉

尤西堂春風籜歌弔何澹玉云余客江上交

毘陵莊芭燕言凡仙何澹玉武陵人才色雙  
麗亡年十八有歌云春風舞春風舞吳姬紫  
玉飛作煙越豔西施化爲土西堂賦詩弔之  
云君不見蘇娘家住錢塘許犀簪唱徹黃金  
縷又不見青娘墓築孤山豎春山血點紅顏  
簿風流宜與何娘伍三生一笑相爾汝他年  
載酒賦招魂舉杯澆徧西陵浦所言皆西泠  
則武陵者武林之誤也

情絲應不斷紅蠶瓔珞香橋護碧龕紫玉成煙花十  
八冰綃留影月初三雙成環佩霓裳鞞六尺瓊瑜翠

西泠仙詠卷三

三

袖憨惆悵西堂新樂府蘭陵江上記靈譚

西湖詠姚娟娟

尤西堂木瀆仙姬傳云木瀆仙姬自稱慈雲  
侍者降乩敘生平云武林人姚氏小字娟娟  
年十五爲某太守妾雜置下陳中羣妾妒其  
能誣以他罪遂罹害華山破雲仙師憐其冤  
死教以真訣遂召隸仙籍令主木瀆爲水神  
降壇詩云經年憔悴到梅花木瀆寒風石徑  
斜記得相思明月下煙鱸縹緲認兒家有欲  
爲姬寫照者問其結束答云幅巾深衣手拈

竹枝蓋道裝也

石徑荒寒掩綠苔靈蘭何處降  
虬來梨花月冷驂鸞去  
梅蕊香深跨鶴回梵字聞呼雲縹緲  
仙粧看寫影徘徊采眞更有春風舞  
玉碎珠沈一樣哀

涵青精舍詠綠天仙子

蘇軾沈澗芳嘗與友人泛湖座有請虬者至書一  
蘇美人絕云才散笙歌罷六么冷風疏  
雨上輕舸問誰寄書余名字眞消息  
曾向王維雪裏描自云綠天仙子賈秋壑  
半閒堂後植蕉百本乃其中得靈氣者  
現美人身書於巾峯洞天翼日迹之

西泠仙詠卷三

三

果有巨蕉遂構精舍其側卽今涵青精舍也  
見香祖筆記澗芳名蓀武林人

碧窗清畫弄依依留迹仙壇舊夢非  
處子素心閒翠袖美人秋影瘦  
羅衣盈盈珠露香生座寂寂瑤華月  
滿扉惆悵空廊紅蝙蝠夜深猶繞畫檐飛

西湖詠柳慧珠

天仙子

蘇軾采慧珠不知何許人嘉慶庚申齊梅麓在金陵  
法華寺與王竹嶼陳秋麓輯虬壇詩數卷將付梓人  
百岳荒請仙序之慧珠降壇筆不停機文不加點空  
靈窈渺眞合仙才鬼才爲一手也序云春蠶

縱死寧無未盡之絲秋樹將枯尙有能鳴之  
葉况乎玉樓催促學士英年金谷飄零佳人  
薄命恨絲絲其無已魂恍恍而外淫無如碧  
落難通黃泉易隔遂使王郎佳句唱徧秋墳  
屈子離騷咽殘湘水珠沈淵而有淚花落地  
以無聲千古寸心寂焉滅矣所以多情佛子  
發無限慈悲好事神仙作絕大遊戲欲證盟  
於今古爰撮合夫幽明返魂之香一燒補天  
之石重煉珠璣錯落滿盤皆夢象之沙錦綺  
繽紛寸木卽生花之筆於是花閒月下酒半

西泠仙詠卷三

三

茶初偶有遐思遂成幽契燕斜飛而似織月  
直入以無猜喚出眞眞書來咄咄於是名流  
閨彥羽士高僧世有未名之人人有未傳之  
補美人作成得留姓名於身後寄心曲於人間如是  
我聞得未曾有且夫菩薩出世肉眼難知居  
士談經塵耳不入故境緣虛而造實心以幻  
而生誠我佛於時隨感而至蓮生舌底禪在  
指頭一喝而三目耳聾半偈而萬緣心寂雞  
園密諦無非覺路金繩驚嶺清儼總是迷津  
寶筏神通廣大功德無量弟子默齋聞諸語

言皆大歡喜欲付剞劂以公同人乞序辭不獲命慧珠章臺弱絮南國天枝歌舞爲生煙

六花入劫誦白傅琵琶之什腸斷如絲聆西湖

夜歌鐘梵之音心枯似木跌坐馬纓樹下長齋燕

眾樂回字樓中得遇慈航脫離苦海嗟乎蠅頭蝸角

情空著甚匆忙蟲臂鼠肝都非究竟落花爲美人

小影芳草乃斜陽斷魂若求無漏之因莫作

有情之物觀茲逝者能無憬然是用抽黃配

白之詞以爲作佛生天之證塵心未了毋登

四大禪牀綺語紛來又是一重公案梅麓云

西泠仙詠卷三

三

味其詞意當是早上歌場飲香白下晚耽禪

悅終老西湖者潘榕皋云數百年來閨閣中

無此手筆豈卽河東君後身耶雖屬戲言不

爲無見也

前生應住有情天筆底香開座下蓮唱罷秋墳詩世

界喚回春夢佛因緣西湖鐘梵雲閒月南國鶯花劫

外煙證取靈光參慧業玉臺一序有人傳

六橋詠吳蕊仙

蕊仙名琪字佛眉長洲人挺菴方伯女孫工

詩精繪事有女中七子集行世蕊仙其一也

蔡含師之適管宇嘉宇嘉從洪承疇軍卒於  
官蕊仙以一女子支離困頓於豺虎之交不  
作兒女態慕錢塘山水之勝與才女周羽步  
爲六橋三竺之游羽步贈詩云嶺上白雲朝  
入畫尊前紅燭夜譚兵紀實也晤慧燈禪師  
爲故大夫若青公季女蕊仙洗心皈命薙髮  
名上鑒自是不問人間事矣

西冷仙詠卷三

七

寒雲段橋詠黃皆令

皆令名媛介嘉興人能詩善畫文學象山之

妹適楊世功元勛偕游江湖爲閨塾師初元

功久客不歸張西銘求之父兄勸改適皆令

不可卒歸元功女兄名媛貞字皆德有臥雲

齋詩集皆令有離隱詩自序云古有朝隱市

隱漁隱樵隱余殆以離索之懷成其肥遯之

志云梅村鴛湖閨詠爲皆令作也陳廵陵婦

人集云嘗見其傲居西冷段橋頭慧一小閣

賣詩畫自活稍給便不肯作有湖土草如石

閣漫草遺詩千餘篇自序有飢不食邪蒿之  
菜倦不息惡木之陰蓋志節女子也施愚山

是數宮爲作傳

天涯寒女此蛾眉來向西泠借一枝花落蘇隄聞鏡  
檻蘿陰茆屋話機絲零脂斷粉湖邊閣賸水殘山畫  
裏詩閉迹牆東署離隱年年春雨種將離

湖上詠朱桂英

田藝蘅閨閣窮元敘曰朱氏名桂英仁和人  
故陝西副使陳洪範室也清心契法銳意修  
眞金籙標名有養誠道人之號瑤章闡旨有

西泠仙詠卷三

天

閨閣窮元之書祕寶夙探於鴻濛元珠竟索  
於象罔許邁別婦先駕素塵裴靜降兒遠驂  
白鳳檢以瓊音之印信方外之寶書封以金  
英之函藏山中之石室升座演法將迎少女

於華山蓮幘霓裳又送三清於金岳便欲發  
凌霄之想豈徒紀步虛之詞嗣有奇聞徵諸

天賦

靈響云爾蓋女子之學道者

易遷宮裏舊媼姪莫誤湘靈與洛靈駕去素塵纔解  
角驂來白鳳愛梳翎百篇瓊笈長生籙一卷金璫玉  
女經閒向丹臺誦眞誥琴心三疊在黃庭

鳳林詠徐若冰

名映玉崑山人適孔青崖沈大成女弟子也  
著有南樓吟稿從良人僑居西泠鳳林春秋  
佳日煙篷雨櫂延緣游覽生時母夢寒梅一  
枝生平愛梅沒之日庭梅盡落臨沒說偈云  
來從梅花來去向蓮花去去來木無心無相  
亦無住

前生應是玉梅花小字分明萼綠華孤嶼煙霞聽喚  
鶴隔溪香雪散啼鴉絳紗問字詩人宅翠袖聯吟處  
士家一夜江城吹鈿笛空枝留得影橫斜

西泠仙詠卷三

三

南山詠孫秀姑

秀姑小家女幼卽童養於姑及長顏色殊麗  
鄰有惡少曰閻四虎豔秀姑色秀姑浴四虎  
登屋窺之秀姑怒詈四虎以穢語汙秀姑秀  
姑訴之姑姑訴之鄰畏四虎強橫不敢較秀  
姑乃紉衣裾飲滷死貧無以斂忽異香發越  
盈數里會達官過聞香異之廉得狀立置四  
虎重典祭秀姑葬之南山立緯樸表墓並請

旌焉

烈女貞姬似爾無姓名留重美人湖冰心如月輝茹

屋玉骨生香被廣衢春晚墓門翔語燕夜深華表止  
啼烏拂衣來讀韓陵石紅葉彫霜碧蘚枯

西湖詠郎花仙

正更靈徵若吳江葉小鸞也

七修著錄舊名家如此仙姿合字花未見子登婚北

燭曾聞寶懿署西華甄兄借筆胎彤管鮑妹留銘護  
碧紗絕似返生香一縷芳魂何處碧天霞

萬松嶺詠崔府君妻

嘉慶中有崔姓夫婦因貧同縊萬松嶺松樹

西泠仙詠卷三

三

上錢塘令卽於縊處葬之頗著靈異土人立  
廟祀之蓋婦之正氣所徵也余及門方稚韋

啓餘餘孝廉撰交紀之

何來節士偕貞婦此地從容畢此生明月照心兼照  
影青山埋骨不理名斷魂化鶴家千里枯樹啼烏夜  
五更解向叢祠勒佳傳方干才筆最縱橫

孔雀園詠施曼仙

西錢塘人幼秉靈質善治閨閣錮疾對坐竟日

默視患處頗見神效若祕閣閒談所載張仙  
屋正骨姑者所至偕其祖母同行姻黨中稱曰神仙

姑娘

梨頰桃鬟豔曉霞雲英仙藥沁芳芽蕊淵夢醒邀明月  
尤敘抄成對落花終見眞靈歸北燭虛傳寶懿署  
西華觀香小妹曾親見孔雀園前第幾家

此生香館詠李晨蘭

晨蘭名佩金長洲人滄雲府丞孫女虎觀司  
馬女山陰何公子仙帆室玉潔蘭薰閨房之  
秀有生香館詩詞集余爲作序以秋雁詩得  
名稱秋雁詩人在都門與梁溪楊蕊淵女史  
齊名蕊淵若上元夫人晨蘭則九華玉眞安

西冷仙詠卷三

三

靈簫也歿於武林其昆弟於琴河設此牒請  
臨壇云已歸玉局不復至矣

春山凝黛葬羅裙賸有蘅蕪散夕曛銀漢無聲遲織  
女玉波何處弔湘君畫闌紅溼深宵雨小閣寒停薄  
暮雲我是嬋娟舊書記遺編珍重護靈芸

余有蕊蘭  
書記小印

漪園詠辛瑟嫺

西華賦瑟嫺名絲太原人遺世獨立渺焉寡儔肌膚  
日冰若冰雪比之藐姑射仙人殆梅花之精也博  
梁賦游覽工詩選列朝詩品以余爲國朝第一曾  
以從官之甌閩道出武林小住西湖余女弟

子二十餘人茲爲翹楚嘗夢偕廬山女仙李  
騰空謝余因來問字沒後降妙香壇云騰空  
度入詠真洞天證以前夢當於文女黎仙外

增靈迹矣

此才真合織回文一曲湘靈奏夜分芳渚靜臨新婦  
石畫樓寒倚美人雲梅林花謝香沾袖茶鴉煙深翠  
掃裙明月吹簫涼似水西湖高格最憐君

西溪詠雪君

卽結雲樓主人寒香瘦玉萼綠華後身也歿

後降林蘭館仙壇言已爲西溪水仙管領梅

西泠仙詠卷三

三

花三萬樹屬爲建祠余因賦西溪水仙詞秣

陵王春波錢塘願西梅均爲畫像

萬梅花裏拜叢祠手折寒香供一枝鄴下感甄還作  
賦湘中弔屈獨陳詞暝煙斂袂春歸晚疏影窺妝月  
到遲會乞烏絲鐫白石瓊姬墓土更題碑

珠潭詠滑蘭芳

瘦鶴少府女年十四未嫁而天跌坐合掌白

氣滿室作妙蓮花香殆有夙根者

吹簫芳氣麗娟年日午槐陰解簾錢嬌勝綺羅花戚  
里慧參香雪佛因緣煙霞靜玩三生石水月閒栽九

品蓮應是垂髫小龍女乘風歸去四禪天

懷仙閣詠陳蘭雲

蘭雲名羲越籍吳產余族妹也適長山袁司  
馬袁閔世姻司馬嘗延小良師至袁蒲問道  
君竊聞緒論一意修真四十七日而元關開  
幼未讀書因定生慧經典無不通曉兼受西  
竺心宗解鐵確祭煉方伯某公女遇祟巫醫  
不效君至應手而除因於瑤潭贊化宮建葆  
元堂也於龍門爲第十二輩派名陽萊金蓋  
女真向未入派入派自君始前身爲太虛玉

西泠仙詠卷三

三

女胡剛剛也中年以後益修性功以無極而  
太極一語爲主於佛道兩家直提宗旨於儒  
則守大學在明明德在止於至善二語可謂  
三教同源者矣

知是靈蘭是妙蓮幾番譚道更譚禪太虛玉女前身  
是竺國金仙密諦傳樊榭樓臺自清靜魏壇弟子總  
嬋娟君女弟二十餘人多節媛貞女宗盟恩誼人間少一瓣心香禮  
月圓太白女弟名月圓

妙香天室詠摩鉢

余次室管筠字靜初生平處事多士君子行

深有造於余家詳見先後事略初耽禪悅閱  
釋藏注心經淺說自蘭雲來敘宗盟之誼與  
君相契謂君性功不可及因以命功授君卽  
君之居心行事以爲性功之助兄事之若無  
著天親也余抱西河之戚境益困終歲奔走  
君爲余奉老母事病嫡撫孤孫主家政一以  
真誠自言未嘗學問處事別無他法惟以理  
字起頭中字立腳定中有得因自名守性頻  
年歲歉人災立願爲眾生禮懺不爲一身一  
家也樵雲子臨駐鶴壇謂與余前生同爲玉  
局掌籍太虛命名心貞道姥臨雲淨示余  
云有我弟子摩鉢尊者爲汝持家可無內顧  
謂君也受大黃經錄先爲散花素女後爲輔  
眞元女龍門派名陽純

西泠仙詠卷三

三

靈簫墨會話前塵月地雲階見此人天上眞靈交以  
烝仙家夫婦敬如賓瑤壇受籙今生果玉局修書夙  
世因他日青冥兩黃鶴蓬萊宮闕記歸眞

涵眞閣詠心澈

余子裴之婦汪端字允莊又字小韞錢塘處  
士天潛先生季女婉淑賢孝博學工詩選明

詩三十家去取精當能正牧齋歸愚之失有  
自然好學齋詩自蘭雲敘宗盟之誼摩鉢禮  
雲淨之壇自知前生爲高青邱先生弟子悲  
先生生前屈抑發心誦大洞玉章經十萬八  
千卷於贊化宮具疏上叩而先生降示位證  
九天洪濟明德真圓道念益堅師事蘭雲母  
呼摩鉢懺悔文字焚其所著元明逸史數十  
卷閉關動輒數月壇名心澈派名來涵龍門  
第十三輩也所居曰涵真閣受籙授北斗中  
天宮侍香靈女同校先天祕書事法名心和

西泠仙詠卷三

三

近精星命之學

原是青邱弟子行身前身後事蒼茫能將智慧通三  
教更以精誠格九閭靈苑朝真宵禮斗巒宮謁  
聖曉焚香他生願證盟威品龍虎山高易夕陽

西泠仙詠卷三

卷三 去 難 前 常 五 海 廣 德 文 英 貞

自敘

太初沕穆元黃剖判乾藏坤顯萬物化生故老子成道於母腹玉清神姥實誕元始摩利支天爰產九皇  
諶母爲日中孝弟玉母以大洞玉章雲篆授許旌陽  
上元夫人爲上古天皇之姥西王母傳道於漢武帝  
茆君必招與偕魏夫人授黃庭內景經於楊羲女真  
降者十有五人其他真誥墉城所載真靈位業所書  
不可悉數蓋大道不分男女而女秉坤體純陰之中  
至陽生焉則女子之修道成真也又何疑乎余重編  
西泠仙詠既列男仙百人復輯女仙得六十八人案頭

西泠仙詠卷三

敘

一

適有女弟蘭雲舊刊孫不二元君所定西王母女修  
正宗及李泥丸女宗雙修寶筏又值許君石華以回  
春子三寶心鑑見貽回春子呂祖也後有西池度楫  
一卷爲玉母小女王卮夫人吳采鸞崔少玄樊雲翹  
唐廣真周圓靜孫清靜七真之書及坤訣一卷其言  
多男真所未及維摩丈室中舍利弗不能不見屈於  
散花天女矣特囿於西湖一隅其蹤迹無涉者未能  
闢入惟女真成道皆具苦功其所受皆有真訣其所  
傳皆有至言嘗與摩鉢約於道藏中輯女真嘉言懿  
訓彙爲一書如華陽洞天含真易遷兩宮趙素臺韓

太華寶瓊英輩八十餘人片言緒綸皆可大顯於世  
他日者懷仙閣成潔一室以待羣真之降知青鸞彩  
鳳必有翩然而來下者羣仙高會亦瑤池光碧後一  
重公案也某學道未成采真有志奉飛祖於邗上禮  
曇陽於婁東晤騰空於夢游寶羅郁之丹訣道姥解  
臨神姑鶴降蘭雲篤宗盟之誼則子晉之觀香也摩  
鉢尋玉局之盟則義和之鬱嬪也停雲靈芸之懺悔  
則阿難之摩登曼倩之宛若也香輪散花宛卿若卿  
之皈依則貞白之錢妙真杜契之孫寒華司馬子微  
之謝自然焦真靜也嗟乎蜉蝣身世祇有匆匆螻蟻

西泠仙詠卷三

敘

二

功名無非擾擾男既牽於世網女亦墮於塵緣寃親  
因果著甚來由恩愛牽纏都非究竟不明慧炬誰尋  
暗室之燈不示真筌孰識迷津之楫爰蒐香苑並證  
靈壇以六十輩之蘭熏玉潔懺千百劫之孽海情天  
庶幾芙蓉城闕益增玉女之名桐柏宮庭更入金仙  
之界云爾道光甲午六月圓嶠真逸序於雪瀑雲松

館公案

出某學道未成采真有志奉飛祖於邗上禮

曇陽於婁東晤騰空於夢游寶羅郁之丹訣道姥解

臨神姑鶴降蘭雲篤宗盟之誼則子晉之觀香也摩

鉢尋玉局之盟則義和之鬱嬪也停雲靈芸之懺悔

族兄頤道先生年二十爲才子三十爲名士四十爲  
循吏五十爲儒者生平著作若詩文內外集秣陵集  
西泠五集華胥七編西溪漁話道苑卮言自天文地  
理至蟲魚草木巨細兼賅本末畢貫五十以後以禮  
去官又抱西河之戚不復出山潛心歸道又得佳耦  
摩鉢夫人以爲之助雖羈縲塵俗奔走江湖未嘗少  
閒飛祖謂當膺道脈淵源之寄小長師亦謂闡揚道  
要非君莫任蓋世儒多不信道君獨企儒宗而探道  
要故其汲引儒林爲多仙詠爲西泠五集之一女仙  
一門則閨詠之外兼多補遺湖山之美人物之盛花

西泠仙詠卷三

敘

三

月之豔煙霞之幽空靈曠逸蔑以加茲非前生從桂  
宮玉局來未易臻此義未嘗學問不解聲詩而於兄  
之居心行事道力淺深則既見而知之矣茲集旣成  
塵世應無遺憾所願從此懺除結習乃至無有語言  
文字煉神還虛出無色界天庶不負前世夙根今生  
苦行云爾同門族女弟羲謹敘

西泠仙詠

西泠仙詠

西泠仙詠

西泠仙詠

君前生玉局修書耶吾不知也吾前生與君同玉局  
校籍耶吾不知也君作詩萬首盡付棗梨吾意存數  
十篇可也君刊文十六卷吾意存數篇可也河渠當  
議食人之食忠其事也海運鹽筴不當議肉食者謀  
之越俎也賈讓耶邱濬耶桓寬耶劉晏耶吾不得而  
知也茲卷因仙詠而及女仙大半取之閨詠皆仙耶  
修仙有三品天仙水仙地仙也仙有五等天仙神仙  
地仙人仙鬼仙也將相無種神仙亦無種人者仙之  
種也人仙世尤多抱仙之質處仙之境在聖不曾在  
凡不減而氣質所拘物欲所蔽甘於墮落而不知悔  
是可悲矣男既有之女亦何獨不然心澈曰名士牢  
愁美人幽怨皆非究竟不如學道旨哉斯言迷津之  
智楫暗室之慧鐙矣久謝子墨不辭綴以數言以爲  
天下女子有志學道者勸摩鉢敘於妙香天室

西泠仙詠卷三

敘

四

郭景純始翔游仙之名曹堯賓因廣游仙之體後世  
論詩以太白爲仙才人抱仙骨詩雜仙心非獨男子  
爲然女子亦指不勝屈流觀載籍若配瑛萼綠華安  
鬱嬪樊雲翹其所賦詩飄飄有凌雲之氣不從人間  
來我夫子頤道先生於西泠懷仙百詠之外復詠女  
仙得六十人可謂煙霞宗伯花月主人矣如滿簪曉  
雲烹雪茗一犁春雨種瓊花梅林花謝香沾袖茶隲  
煙深翠掃裙則仙心之閑寂也如雲龕對戶峯雙影  
雪礪當門水一灣種樹陰成山館靜掃花人去洞門

西泠仙詠卷三

跋

一

寒則仙居之幽靜也白蓮洲上嬌留影新月沙頭澹  
掃眉處子素心閑翠袖美人秋影瘦羅衣則仙子之  
綽約也如荀灌早年曾救父宣文老去尙橫經高妹  
殉親宜作志曹娥死孝合題碑則仙姝之貞節也如  
微子殷勤求服霧真妃宛轉授餐霞越中避地如梅  
福湖上移居似葛洪則仙侶之同心也如駕去素塵  
纔解角驂來白鳳愛梳翎野象銜花珠殿靜仙蛾集  
樹石壇孤則仙苑之莊嚴也如一尊醪酒金波湧雙  
髻穿雲柳浪斜一肩荷鍤樵雲路雙髻簪花採藥年  
則仙蹤之疏遠也如白鷗蘆葉涼煙外青鳥桃花澹

月中月明小海驂鸞去煙暝重湖跨鶴來則仙游之  
靈異也野鶴道人謂君已證聲聞乘他日養真館開  
左仙賓雲右仙賓霞五百華鬢仙人一齊合掌來聽  
說法知維摩丈室有人來散天花也碧城舊侍性尼  
來淨敬跋於覺華菴

西泠仙詠卷三 跋

二

07187

求教始與休得華菴  
鏡湖秋餘翠空霞水來清天蓬山靜  
山山寶雲寺仙賓霞五百華鬢仙人一齊  
靈異也維摩丈室有人來散天花也碧城舊侍性尼  
月中月明小海驂鸞去煙暝重湖跨鶴來則仙游之



